



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Chronicon Cisterciensis Ordinis**

**Le Mire, Aubert**

**Coloniae Agrippinae, 1614**

De Electione Alberici Abbatis Cistertiensis Ecclesiae.

**urn:nbn:de:hbz:466:1-11259**

COMMENDATIO ABBATIS ROBERTI, per Gauterum Episcopum Cabilonensem.

**D**ILECTISSIMO fratri & Coëpiscopo Roberto Lingonensi Episcopo Gauterus Cabilonensis Ecclesiæ seruus salutem. Notum sit vobis fratrem Robertum, cui Abbatiam illam in nostro Episcopatu sitam, quæ nouum Monasteriū dicitur, commiseramus, à professione, quam Cabilonensi Ecclesiæ fecit, ab obedientia, quam nobis promisit, secundum Domini Archiepiscopi definitionem, à nobis esse absolutum. Ipse autem monachos illos qui in præfato nouo monasterio remanere decreuerant, ab obedientia, quam sibi promiserant, & à professione liberòs & absolutos dimisit. Illum ergo amodò suscipere & honorificè tractare ne vereamini. Valete.

DE ELECTIONE ALBERICI  
Abbatìs Cisterciensis Ecclesiæ.

**V**IDVATA ergò suo Pastore Cisterciensis Ecclesiæ conuenit, ac regulari electione quendam fratrem Albericum nomine in Abbatem sibi promouit, virum scilicet litteratum, in diuinis & humanis satis gnarum, amatorem regulæ, & fratrum, quiq; prioris officium & in Molif-

B

mensi

mensi & in illa diutius gerebat Ecclesia, multumque diu nitendo laborauerat, vt ad illum de molismo transmigrarent fratres locum, & pro hoc negotio multa opprobria, carcerem & verbera perpessus fuerat.

IOANNES ET ILBODVS MONACHII CISTERTIENSES MITTUNTUR ROMAM.

**P**RAEFATVS Albericus, curâ pastorali, licet multum renitens, susceptâ, cogitare cepit, velut vir mirabilis prudentiæ, quæ tribulationû procellæ ipsum aliquando concutientes vexare possent: & præcauens in futurum, cum consilio fratrum, transmisit monachos duos, *Ioannem & Ilbodum* Romam, dominum Papam *Paschalem* per eos exorâs, vt Ecclesia sua sub Apostolicæ protectionis alis, tuta ab omnium ecclesiasticarû seculariumve pressura personarû perpetuò sederet. Qui fratres prædicti, *Hugonis* Archiepiscopi, *Ioannis* & *Benedicti* Romanæ Ecclesiæ Cardinalium, *Valteri* quoque Cabilonensis Episcopi sigillatis litteris freti, Romam prosperè iuerunt & redierunt, antequam ipse Papa *Paschalis* in captione Imperatoris positus esset, reportantes eiusdem Apostolici priuilegium, iuxta vota Abbatis sociorumque eius per omnia exoratum. Has epistolas, priuilegium

*Ioannes & Ilbodus monachi Cistertienses mittuntur Romam.*